

SESIÓN EXTRAORDINARIA DO CONCELLO PLENO

13 - AGOSTO - 2003

ORDE DO DIA

ASUNTO ÚNICO.- PROPOSTA DA ALCALDÍA EN RELACIÓN CO SERVICIO PÚBLICO DE INSTALACIÓNS DEPORTIVAS EN SANTA MARÍA.

Na Sala de Sesións da Casa do Concello, sendo as dez horas trinta minutos do **día trece de Agosto de dous mil tres**, baixo a Presidencia do Sr. Alcalde Acctal. D. XOSÉ CARLOS PAZOS DOCAMPO e, coa asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, DONA. CARMEN RODRÍGUEZ CUNHA, D. CARLOS GONZÁLEZ FERNÁNDEZ, D. MANUEL IGLESIAS CARRERA, DONA. FRANCISCA CANAL GÓMEZ, D. JUAN TIZÓN CABALEIRO, D. FERMÍN ALFAYA PAZ, D. ANTÓN DÍAZ MOURELLE, DONA. M^a DEL CARMEN AMOEDO DASILVA, D. JAIME DARRIBA VILAS, DONA. CECILIA PÉREZ ORGE, D. ALEJANDRO BASTOS FERNÁNDEZ, DONA. HERMINDA QUELLE FERNÁNDEZ e D. MANUEL PÉREZ PARDO, actuando como Secretario Acctal., D. BERNARDO SOTO LÓPEZ, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

Excusaron a súa ausencia os/as Sres./as D. XAIME REI BARREIRO, DONA. LAURA LAGO ALLER, DONA. MÓNICA CARREIRA COÑAGO, D. RODOLFO PATO GARCIA e DONA. PURIFICACIÓN SERRANO CAVIEDES.

A Presidencia declara aberta a sesión en primeira convocatoria, procedéndose a trata-lo único punto da Orde do Día.

Serie A N.º 1176724

EL NUMERADO
CORPORACIÓN
LOCAIS

**ASUNTO ÚNICO.- PROPOSTA DA ALCALDÍA EN RELACIÓN CO
SERVICIO PÚBLICO DE INSTALACIÓNS DEPORTIVAS EN SANTA
MARIÑA.-**

Ratificación inclusión do asunto na orde do día.- De conformidade co establecido no artigo 82.3 do Regulamento de Organización, Funcionamento e Réxime Xurídico das Entidades Locais, o Concello Pleno, en votación ordinaria e por unanimidade dos seus membros presentes acorda ratifica-la inclusión deste asunto na Orde do Día.

ANTECEDENTES.-

Proposta da Alcaldía de data 8 de Agosto de 2003, que transcrita dí:

"ANTECEDENTES

A) Por Resolución da Alcaldía de data 22 de Abril de 2003 iniciouse a contratación para adxudica-la xestión indirecta, mediante concesión, do servizo público de instalacións deportivas en Santa Mariña (piscina cuberta e climatizada, ximnaxio e cafetería).

Con data 7 de Maio de 2003 emitíuse informe pola Secretaría da Corporación.

O día 14 do indicado mes e ano emítese informe polo Interventor Xeral do Concello.

B) Resolución da Alcaldía de data 15 de Outubro de 2002, ratificada por acordo plenario do día 24 do indicado mes e ano, sobre modificación consensuada do prazo de prórroga do contrato de xestión do servizo público "piscina climatizada de Redondela", de cinco anos a dez meses.

EXPOSICIÓN DE MOTIVOS

Á vista do contido dos informes de Secretaría e Intervención a que se fai referencia no apartado A) dos antecedentes, e tendo en consideración que o vindeiro día 14 do mes que andamos remata a prórroga do contrato a que se alude no antecedente B), ó terse consensuada nova prórroga co concesionario, esta Alcaldía ó Concello Pleno formula a seguinte

PROPOSTA DE ACORDOS

1º).- Deixar sen efecto o procedemento licitatorio iniciado por Resolución da Alcaldía de data 22 de Abril de 2003.

2º).- Inicia-la contratación para adxudicar, mediante concesión, a xestión indirecta do servizo público de instalacións deportivas en Santa Mariña (piscina cuberta climatizada e cafetería).

3º).- Prorroga-lo contrato asinado con SERVIOCIO, S. L., para a xestión indirecta do servizo público "Piscina climatizada de Redondela", ata a prestación efectiva dos servizos do contrato que se fai referencia no apartado 2º) da proposta de acordos.-"

DELIBERACIÓN.-

Aberto turno interveñen:

O Sr. Bastos Fernández, que anuncia que vamos a apoia-la proposta para que a piscina funcione.

A Sra. Pérez Orge, que manifesta que considera correcta a proposta formulada pola Alcaldía, polo que o seu grupo político vai a apoiala.

A Sra. Canal Gómez dí que se convoca o pleno en horas laborables cando é preferible que se celebre en horario de tarde e que a pesar de tratarse dun asunto importante, sométese ó Pleno no mes de agosto.

Pola Presidencia se lle manifesta que con carácter previo á convocatoria da sesión, consultouse coa Concelleira do Grupo Municipal do PP Sra. Amoedo Dasilva, amosando esta a súa conformidade.

Seguindo no uso da palabra a Sra. Canal Gómez, sinala que na prórroga que se propón na proposta da Alcaldía, non se especifica o tempo de duración da mesma, e fai a continuación referencia ás cargas que o vixente contrato representan para o Concello, ó ter que pagar este periodicamente os gastos de gasoleo-c e de enerxía eléctrica (forza), da piscina climatizada, e ó incumprimento da falta de pago do canon polo concesionario.

O Sr. González Iglesias dí que o expediente do que deriva o contrato actualmente en vigor, foi tramitado durante o mandato do Partido Popular, formando parte do equipo de goberno a Sra. Canal Gómez, e que a prórroga será polo tempo preciso para adxudica-lo novo contrato e a prestación efectiva do servizo.

Serie A N.º 1176725

VOTACIÓN E ACORDO.-

O Concello Pleno, por maioría dos seus membros presentes, sendo 10 votos a favor (5 PSdeG-PSOE, 2 B.N.G, 2 R.A., e 1 EU-IU), e 6 votos en contra do PP, acorda prestarlle a súa aprobación á proposta transcrita.-

E, non sendo outro o obxecto da presente sesión, pola Presidencia dase por rematado o acto, sendo as once horas da data indicada no encabezamento, en proba de todo o que, se estende a presente Acta. Que se inscribiu no Libro dende a volta do folio setenta e un do Papel Timbrado da Comunidade Autónoma de Galicia, Serie A nº 1176723, ata o folio setenta e tres, Serie A nº 6725, de todo o que, como Secretario Acctal., DOU FE.-

O Alcalde, Acctal

O Secretario, Acctal

Asdo: Xosé Carlos Pazos Docampo

Asdo: Bernardo Soto López

O NUMERADO
CORPORACIÓNS
LOCAIS